

موتٍ .. وميلاد !

يابوي ماينفع بعد فايت الفوت
لا قلت ذا موتك طعن جوف الأعياد
شفني وأنا رجال وأقذح على القوت
أغار من كلمة « يبه » بين الأولاد
كل الجروح تروح يابوي وتموت
إلا جروحك بالحشا دايم جداد
خلف الأسلمي

جيت الحياة وجاك من ربي الموت
صدرت ياعمري وأنا جيت وراد
متكفن حطوك في وسط تابوت
وأنا بعد مثلك تكفنت بمهاد
الله وأكبر ليه ماني بمبخوت
في يوم واحد صار موتٍ وميلاد
حتى قدومي ما رفع للفرح صوت
في حزن أروح وجيت في حزن وحداد

